



Uunga Inatsisartunut ilaasortaq, Jens-Frederik Nielsen, Demokraatit

24-01-2022
Sagsnr. 2021-22407

**Akissuteqaat, § 37 naapertorlugu apeqquteqaatinut 2021-177-imut
Ingerlatseqatigiiffinnut, - Naatsorsuuserivinnut - aamma
Kukkunersiuisarnermullu tunngasut suliaasaqarfiisa tiginissaannut
atatillugu apeqqutit pillugit**

Postboks 1601
3900 Nuuk
Tlf. (+299) 34 50 00
E-mail: isiin@nanoq.gl
www.naalakkersuisut.gl

Asasara Jens-Frederik Nielsen

Inatsisartut suleriaasianni § 37 naapertorlugu Naalakkersuisunut
apeqquteqaateqarputit ingerlatseqatigiiffinnut, naatsorsuuserisarnermut
kukkunersiuisarnermullu suliaasaqarfiit tiguneqarnissaannut atatillugu.
Apeqqutitit ataani ataasiakkaartumik issuarneqartarput,
akissuteqarfigineqarlutillu.

**Apeqqut 1: Ingerlatseqatigiiffinnut-, Naatsorsuuserivinnut- aamma
Kukkunersiuisarnermullu tunngasut suliaasaqarfiisa tiginerannut
nunatsinni inuussutissarsiornermi niuernermit suut ajunngitsortaappat?**

Akissut: Ingerlatseqatigiiffinnut, - naatsorsuusiortarnermut aamma
kukkunersiuisoqarnermut suliaasaqarfiup tiginissaanut atatillugu
nassuiaasiortoqassaaq, qaammarsaavigiumallugit tigusinissami iluaqutissat
aamma kingunerisassai. Tamatumani aamma periarfissaqassaaq
inuussutissarsiornikkut niuernikkullu ingerlatsinermi kingunerisinnaasaasa
qaammarsaaviginissaannut. Nassuiaasiaq Inatsisartunut
saqqummiunneqarumaarpoq inaarutaasumik aalajangernissamut atatillugu,
suliamullu tamatumunnga atasumik aamma tusarniaasoqarumaarluni suliami
illuatungeriinnik, tamatumani aamma nunatsinni inuussutissarsiornikkut
ingerlatsisut akornanni. Taamaattumillu apeqqummut 1-imut tunngatillugu
tamakkiisumik akissutissami nassuiaasiaq utaqqineqartariaqarluni.

Taamaattumillu suliaasaqarfiup tiguneqarnissaanik suliat piffissami sivilisuumi
ingerlassapput, Inatsisartullu partiivini akulerussisarneq suliami tassani
qitiussalluni. Suliaasaqarfiullu tiguneqarnissaanut suliat ingerlanneqarneranni

ammasumik Inatsisartut suliamut ataatsimiititaliaallu aammalu nunatsinni inuussutissarsiortunik oqaloqatigiinnernik ingerlatsisoqassalluni.

Apeqquut 1.a.: Taakku ingerlatsiviit tigunissaannut isumassarsiaq inuussutissarsiortut kattuffiit soorlu assersuutigalugu Kalaallit Nunaani Sulisitsisunut (GE) tusarniaatigineqarnikuua?

Akissut: Suliassaqarfiup pineqartup tiguneqarnissaa Namminersorneq pillugu inatsimmi 2009-meersumi periarfissat ilagivaat, naalakkersuinikkut demokratiskiusumik ingerlatsinermi annertuumik sammineqarsimasoq. Namminersornerup eqqunneqarnissaa taamaasilluni Kalaallit Nunaanni 2008-mi innuttaasut akornanni taasissutigineqarpoq. Inuussutissarsiortut siunissamut sammisumik ingerlatsinermi peqataatinneqarumaarput. Siunissamut sammisumik pisussanut akissutaasoq takuuk.

Apeqquut 1.a.i.: Taamaassimassappat tigusinissamut siunnersuummut kattuffiit isumaat tusassallugu kissaatigaara.

Akissut: Taakkua isumaat qulaajarneqassaaq apeqquummut 1-imut atatillugu akissummi eqqaaneqartumi tusarniaanermik ingerlatsinermi.

Apeqquut 1.b.: Ingerlatsivinnik tigusinissamut isuma Namminersorlutik Oqartussat ingerlatsiviit tusarniaatigineqarnikuua?

Akissut: Takuuk apeqquummut 1.a.i-mut akissutaasoq

Apeqquut 1.b.i.: Taamaassimassappat ingerlatsivinnik tigusinissamut siunnersuummut ingerlatsiviit isumaat tusassallugu kissaatigaara.

Akissut: Takuuk apeqquummut 1.a.i akissutaasoq.

Apeqquut 1.c.: Ingerlatsivinnik tigusinissamut isuma namminersorlutik ingerlataqartunut annernut tusarniaatigineqarnikuua?

Akissut: Takuuk apeqquummut 1.a.i-mut akissutaasoq.

Apeqquut 1.c.i: Taamaassimappat ingerlatsivinnik tigusinissamut siunnersuummut ingerlatsiviit taakku isumaat tusassallugu kissaatigaara.

Akissut: Takuuk apeqquummut 1.a.i-mut akissutaasoq.

Apeqquut 2: Ingerlatseqatigiiffinnut -, Naatsorsuuserivinnut- aamma Kukkunersiuisarnernut tunngasut suliassa qarfiisa tigonera sukut innuttaasunut iluaqutaassava?

Akissut: Suliassa qarfiup tigoneratigut Naalakkersuisut suliassa qarfimmu inatsisiliorsinnaalissapput nunatsinni pissutsinut ullumikkumiit annerusumik naleqqussagaasunik.

Apeqquut 2.a.: Ingerlatsivinnik tigusinissamik siunnersuuteqannginnermi Naalakkersuisut suut misissorsimavaat?

Akissut: Suliassa qarfiup tiguneqarnissaanut piareersaataasut ilaattut apeqquummut 1-imut siuliani akissutigineqartutut nassuiaammik suliartoqassaaq, qaammarsaasussamik iluaqutissanik aamma suliassa qarfiup tigonissaata kingunerisassaanik.

Apeqquut 2.b.: Tamakkulu Inatsisartunut aamma/imaluunniit innuttaasunut takusassiarineqarniarpat?

Akissut: Aap.

Apeqquut 2.c.: Siunnersuut kommuninut tusarniaatigineqarsimava?

Akissut: Kommunit tusarniaanermut atatillugu akissuteqarsinnaassapput.

Apeqquut 2.c.i: Taamaassimappat qisuariaatit tiguneqartut suuppat?

Akissut: Tamakkua tamakkiisumik tusarniaanerit ingerlanerini qulaajaavigineqassapput, apeqquummut 1-imut akissummi allaaserineqartutut.

Apeqquut 2.d.: Namminersorlutillu Oqartussani pisorta qarfinnut attuumassuteqartunut tusarniaatigineqarsimava?

Akissut: Siunnersuut Naalakkersuisut Siulittaasuata Naalakkersuisoqarfialu oqaloqatigiissutigineqarsimavoq, isumaqatigiissutigineqarporlu ingerlatseqatigiiffinnut, naatsorsuusiortarnernut kukkunersiuisoqarnermullu suliassa qarfiup tiginissaanut suliassat naammassillugit suliarineqarnissaat. [Aningaasaqarnermut Naalakkersuisoqarfik tusarniarneqarsimava?]

Apeqqu 2.d.i.: Taamaassimappat qisuariaatit tiguneqartut suuppat?

Akissut: Siulianiittut akissutit takukkit.

Apeqqu 3: Ingerlatseqatigiiffinnut-, Naatsorsuuserivinnut- aamma Kukkunersiuisarnermut tunngasut tiguneranni innuttaasunut suna iluaqutaava?

Akissut: Suliassa qarfik innuttaasunut toqqaannartumik sammisuunngilaq, kisiannili suliffeqarfinnut il.il.

Apeqqu 4: Naalakkersuisut, ingerlatsiviit tiguneranni ukiumut aningaasartuutit qanoq annertutiginissaat naatsorsuutigaat?

Akissut: Suli Namminersorlutik Oqartussaniit qulaarneqanngilaq ukiumut aningaasartuutaalerumaartut ingerlatseqatigiiffinnut, naatsorsuuserinermut kukkunersiuisoqarnermullu suliassa qarfiit tigunerisa kingunerisaannik ukiumut qanoq annertussuseqarumaarneri. Nassuiaasiaq ilaatigut tamakkuninnga imaqartussaassaaq. Aningaasartuutissat ataatsimut annertussusissaat nalilersorinnaajumallugu ilaatigut Savalimmiuni misilittakkat assingusumik suliarni nalilersuineri ilaatinneqassapput.

Apeqqu 4.a.: Naalakkersuisut tassunga suna tunngavigaat?

Akissut: Missiliuusiart ersarinnerusut nalunaarusiassami ilaasussatut naatsorsuutigineqarput.

Apeqqu 4.b.: Naalakkersuisut Demokraatit isumaqatigaat, danskit ingerlatsivinnut aningaasartuutaai aallaavigiinnarneqarsinnaanngitsut, ingerlatsivinni annertuumik EU-mi malittarisassat tunngaviummata, piviusuummallu, Kalaallit Nunaat EU-p avataaniikkami ullumikkutut tiguinnarsinnaanngikkai?

Akissut: Naalackersuisut isumaqatigaat ukiumoortunik aningaasartuutissat naatsorsorneqarnerini aallaavigineqartariaqarmata nunatsinni namminermi pissusiusut, allaffissorneq aamma inatsisiliornermik nunatsinni pissutsinut naleqqussaanissat.

Apeqquut 5: Ingerlatsivinnik tigusinermi allaffeqarfiup qanoq annertusarneqarnissaa naatsorsuutigineqarpa?

Akissut: Ilaatigut pissutsit tamakkuupput nassuiaasiami ersarinnerusumik qaammarsaavigineqartussat.

Apeqquut 5.a.: Naliliigallarneq tunngavigalugu økonominik inatsisilerituunillu pisariaqartitsisoqassasoq naatsorsuutigineqarpoq. Naalackersuisunit naatsorsoqquneqarpoq, økonomit inatsisilerituullu qassit, ullumimut sanilliullugu pisariaqartinneqassanersut.

Akissut: Siulianiittut apeqquummut 5-imut akissutit takukkit.

Apeqquut 6: Ingerlatsiviit tigunerisa kingunerissavaa, GER normulersuinerup utertinneqarnissaa, ullumikkutut CVR-normoqarneq qimallugu?

Akissut: Ingerlatseqatigiiffinnik nalunaarsuisarnerit imarisaat immikkuualuttortalersukkat aamma ersarinnerusunik qulaajaanissat qanoq ingerlatseqatigiiffinnut, naatsorsuuserisarnermut aamma kukkunerisuisoqarnermut suliaasaqarfiup aaqqissuunneqarnissaat pillugit suliaassat ersarinnerusumik ilaatigut nassuiaasiassami sammineqartussaapput piffissamut suliaasanik tigusinikkut ikaarsaarfiusussamut atatillugit. Tamatumunngalu atatillugu pingaaruteqarpoq inuussutissarsiortut tusaaneqarnissaat, Kalaallit Nunaanni inuussutissarsiutinik ingerlatsineq ajornarnerulersikkumanagu.


Apeqquut 6.a.: Taamaassappat Naalackersuisunit atugaasimasup atoqqilernerani pitsaaqutit ajoqutaasinnaasullu nalunaarutigeqquneqarput naatsorsuutigineqarmat, CVRnormoqarnermut ikaarsaariarneq misissorneqareersimassasoq pitsaaqutitullu nalilerneqareersimalluni.

Akissut: Ajunngequtinik ajoqutinillu aaqqissuussinerni assigiinngitsuni isiginiaasoqarumaarpoq.

Apeqquut 7: Oqaluuserisamut soqutiginaatilinnik allanik Naalakkersuisut paasissutissiisinnaappat?

Akissut: Soorlu naalakkersuisooqatigiinnermut isumaqatigiissummi ersittoq naalakkersuisooqatigiinnut pingaaruteqarpoq suliassaqarfinnik tiguisarnissat peqqissaartumik piareersaasiorneqartarnissaat. Tamannalu ilaatigut isumaqarpoq illuatungiusut susassaqtut naleqquttullu tamarmik suliamik ingerlatsinermi peqataatinneqartassasut, suliallu kingunerisinnaasaasa peqqissaartumik allaaserineqartarnissaat. Naalakkersuisut qilanaaraat suliassami matumani pingaaruteqartumi suleqatigiinnissaq.

Inussiarnersumik inuulluaqquusillunga
Med venlig hilsen



Pele Broberg
Inuutissarsiornermut Niuernermullu Naalakkersuisoq